

## Aforismoak

Asier AGIRRE

Biziaren laburpena: laburra den pena.

Mobiolarik gabeko film laburra da bizitza.

Heriotza sendagaitza da baina bizitzaren gaitz guztiak sendatzen ditu.

Bake-urtea izan zen: gorrotoak ez zuen uztarik eman.

Bi gerren arteko zubia da bakea.

Igande eta jaiegunak dira, Historiaren egutegian, bake-egunak.

Mundua jokoz kanpo dago: eraso defentsaren aurretik dago beti.

Iraken eta Afganistanen filmatzen dira western modernoak.

Ez al da esker txarrekoa beti eskerrak ematen ibili beharra?

Gure aiton-amonak: Teozentristak.

Gure gurasoak: Antropozentristak.

Gaurko gazteok: Egozentristak.

Artzainak elebidun eta Ertzainak elebakar diren herri batean  
bizi naiz.

Herriak aukeratutako aristokrata gutxi batzuek  
agintzen dute demokrazian.

Euro-haize, Ero-haize.

Jada, eurotan ordaintzen dugu guztia. Zergatik kobratzen dugu  
oraindik pezetatan?

Prezioek daramaten abiada ikusita, edonork esango luke  
jaisten ari direla.

Prezioak jada ez dira behetik gora igotzen, goitik gorago baizik.

Goseak borrokatzen ditu animaliak. Borroka gosenen piztiak.

Gose badira, arriskutsu izan daitezke animaliak.

Gizakiok, ordea, beti gose.

Munduan goseak bizi da gehiengo lotsagarri bat eta  
gutxiengo lotsagabe batek du errua.

Sua eta ura belaunetik behera. Eta politika?

Politikariak musulari petoak dira: handiagoa gezurra,  
orduak eta sinesgarriagoa egiten dute.

Hauteskunde garaian kuku. Hauteskunde ostean mutu.

Esadak nora bozkatzen duan eta erantzungo diat nor haizen.

Zertarako hainbeste ikuspegi? Ezin dugu elkar ikusi.

–Zer izan nahi duzu handitan?

–Euskal Herriko enbaxadore.

-Non?

-Katalunian.

Oso oinarri sendoa zuen bien arteko adiskidetasunak: etsai berbera.

Kontuz zaunkarik egiten ez duen lagunarekin!

Lagun usteko etsaiak ezagutu ditut bizitzan. Etsai usteko lagunik, oraindik, bat bera ere ez.

Tabakoa bizio tontoa dela esaten dute:  
tonto-tonto baina hil egiten du.

Zenbat gizon azkar bizio tontoen mende!

Tabakoaren poltsikoan bizi da erretzailea.

Ultimatuma eman dit poltsikoak: "Edo erretzeari uzten diok,  
edo ez haiz hil bukaerara iritsiko".

Hizketaldi bat luzatu nahi al duzu? Esan triste zaudela.

Ezin-eramana: hurkoari erruak baina  
norberagan erroak.

Hobbesen ustez, gizona jalotzez zalo otso gizonari.

Rousseauren iritziz, gizarteak) otsotzen du.

Pentsaera bi baina pentsamendu bat, ezbairik gabe.

Askok zeukaten muturreko pentsaera. Hiruzpalau, ordea,  
muturreraino eramateko prest.

Osasun galdua: garagar ale bat itsasoaren erraietan.

Txaketa aldatzen dutenek modakoa janzten dute ia beti.

Orain irakasleek egiten dute negar eskola-egunak lirstean.

Laguna guraso paperean bezain lekuz kanpo  
gurasoa lagun paperean.

Parranda erotikoenak autoan bukatzen dira.  
Parranda tragikoenak ere bai.

Zerbait ahazteko edan eta... gainerako guztia ahaztu.

Ametsarekin mozkortzen denak biharamunarekin bizi behar.

Hilezkortasunaren aurka nago: ez ote da bidezkoagoa zoriontsuek  
noizbait hil beharra, zoritxarrekoek beti bizi beharra baino?

Baserri onak fabrika gertu.

Pinua hedatu da euskararen pagadian.

Euskara bihotzean + espainola buruan = euskañola mihian.

Burua: bihotzetik mihira bidean bizi den zentsuratzaillea.

Lagunartean, aurrerakoi. Bakardadean, mamuen morroi.

Madrilgo epaileek penaltia adierazten digute beti.

Zaborrontzia erretzeagatik, txartel gorria.

Torturatzeagatik, horia ere ez.

Entzutegi nazionala sor dago.

Montesquieu eta hiru botereak: guztiok batekin eta bata guztiokin!

Espainiako Selektzioa: egunkarietan otso eta zelaian uso.

Atzera begiratzen duenak arrisku handiagoa du estropezu egiteko.

Ez da oroitzapenetatik bizi behar. Batzuetan, aitzitik,  
beroiak dira biziaren euskarri.

Guztiok gara eskuzabalak; hartzeko bada, jakina.

Bi bihotz bateragarri ez direlarik, ez dago balio duen poemarik.

Eskubide askatasuna hitzetik hortzera  
eta askatasun eskubideari hortzak erakutsi?

Eman herriari hitzal Baina herritarrari kendu gabe!

Arazoiaren zati bat daukat baina nahikoa da  
beste zatia duena erasotzeko.

Demokraziarik ez badago, nolatan ezagutzen dituzu bere mugak?

Euskal Arkimedesek: non dago Konstituzioa mugitzeko kokagunea?

Ez dago dudarik: Parmenides izan zen lehen konstituzionalista,  
ez Heraklito.

Egunen batean konstituzionalista izatea, horra abertzalearen ametsa.

Doktoretza zeukan eskubideetan baina  
graduaturik ere ez betebeharretan.

Euskaltegitik liberatu nahi zuen lanera bueltatzeko.

Batzuei mingarriago zale gure herriaren euskaldunizazioa,  
gure herriaren balkanizazioa baino.

Administrazioa: "Inoliz ez gaur egin bihar egin dezakezuna."

Itsu-itsuan ari naiz irakurtzen batxilergoan ikusi ezin nituen liburuak.

Zertarako inbertitu giza baloreetan? Gero eta gutxiago kotizatzen dira.

Bi seme ezberdin zeuzkan, berdin maitagarriak: bata odolekoa eta Euskalki izena zuen; bestea adoptatua eta Batua zuen izena.

Zentzu gutxien dagoen lekuan, hantxe du aforismoak zentzu gehien.

Eta mozkor pasiboaren eskubideak?

Lurra arazoz beteta eta agintariek llargian burua.

Petrolio-putzuak non, odol-putzuak han.

Nola dakizu, dastatu aurretik, ez naizela zure gustukoa?

Espainiako diktadura: 1939-1976.

Espainiako trantsizioa: 1976- ?

Ezagutzen dut, ehun urte pasatxo baditu ere, testamenturik egin nahi ez duen alderdi bat.

Euskal nazionalismoaren argazkia: aitona zaharra,  
emazte dibortziatua ondoan; ezkerrera go,  
seme ez-legitimoa, ustekabeko bilobarekin.

Ez zaitudala gorrotatzen, hori da nigan gehien gorrotatzen duzuna.

Batzuetan, ez dago ikustea bezalakorik sinesmena gaitzeko.

Pentsa zein sekta arriskutsua zen! Gizonagan sinesten zuten.

Zer balio du idazle arrakastatsuak, pertsona frakasatua baldin bada?

Irudi bat gehiago da mila hitz baino.  
Emakumeentzat izan ezik, jakina.

Ez dago irudimena berdinduko duen irudirik.

Gorrotoa, bere txarrean, lotsagabea da. Inbidia bere buruaz lotsatzen da.

Estutu dezagun ahalik eta jende gehien, modu horretan zabalduko dugu gatazka.

Gaizkien nagoenean idazten dut ondoen.

Jada, inork ez du konpromisorik nahi konpromisoarekin.

Epala ematen zalon aldera erortzen da Justizia.

Kontraesanik eza, hori da akaso kontraesanik handiena.

Serbiako esaera zaharra: gerta bekit esaten didazuna, gerta bekizu opa didazuna.

Gehiago dira iragan-minez bizi direnak, iraganera itzuli nahi dutenak baino.

Estatuen handinahiari bost axola herrien izan-nahia.

-Zein da lanaren alde txarra?

-Denbora kentzen duela.

-Eta alde ona?

-Denbora kentzen duela.

Ekonomia jaunak, egun, hika hitz egiten dio Politika jaunari.

Lehoiak putreel, hiltzear zela: "Ba al zenekiten lur hartzen?"

Zer da zibismoa? Etikaganako begirunea edo legeenganako izua?

Zerk izutzen ote du emakumea gizon izu batek adina?

Nik ere asmatuko nuke ezereza partitzen.

Ez izorratzea, horixe da laguntzea egungo gizartean.

Aztiago ibilli agintariaren psikologiarekin, haren ideologiarekin baino.

Herri xelebrea gurea: nazio bat, bi estatu, hiru administrazio  
eta lau katu.

Martxa honetan, aiton-amonek abalatutako etxebizitzak  
ordainduko dituzte bilobek.

Emakumeak ekartzen du gizona mundura, eta, gero ere,  
berak eramaten du sarritan paradisura edo infernura.

Zu ikusi orduko, urduri jartzen naiz. Zu ikusi arte, berriz,  
ez nago lasai.

Auskalo zein den bakearen prezio politikoa baina ziur  
gatazkarena baino merkeagoa dela.

Axota ere baloneta bezain zorrotza izan daiteke,  
erabiltzen jakinez gero.

Dohatsuak: "Ni naiz ni eta nire zirkunstantziak."

Dohakabeak: "Ni naiz nire zirkunstantziak eta ni."

Laburra da gero bizitza! Hamargarren solairutik salto egin  
eta erreparatzeko denbora ematen omen du.

Inspirazioa kapritxosa hutsa da: etengabe gonbidatzen dudan arren,  
nahi duenean bakarrik etortzen da.

Zertxobait ausartagoa sentitzen zen bere koldarkeria onartu zuenetik.

Arazoak bi multzotan sailkatzen dira:  
norberarenak eta konponbidea dutenak.



Belaunaldiz belaunaldi erreplikatzen den inuxentada da jaiotza.

Nola arraio kabitzen dira hain arazo handiak hain buru txikian?

Bizitzari begiratu eta ezikusia egiten dizunean, zer egin behar da?

Igerilari aparta izan behar da hondoratzen ari denari laguntzeko.

Galdera bat daukat filologoentzat:

ziur al zaudete lagundu aditzaren erroa lagun izena dela?

Gizon onaren eta kontzientzia txarraren arteko nahasketa da  
koktel psikologikorik arriskutsuena.

Nork epaitu behar ditu inoiz legerik urratzen ez duten gaizkileak?

Abiadura Handiko Harremani esker zuzenean joan zaitezke  
sexuraino, maitasunean geratu gabe.

Ondo dago gatazka konpontzeko mahai batean esertzea baina  
baldintza batekin: irtenbidea adostu arte bazkaririk ez!

Modan jarri dira euskaltzale ez-praktikanteak.

Politikari bat erretratatu beharko banu, bi aho eta belarri bat  
margotuko nizkioke.

Zer dela-eta izu hori? Mehatxatu baino ez zaituzte egin.

Kontaiozu arazo bat behar ez denari eta segituan izango dituzu bi.

Egin kontu zure ametsak gainerakoen amesgaizto bihur ez daitezten.

Nork bere belaunaldiarekin dituenak, horiek dira talkarik gogorrenak.

Fundamenturik gabeko fundamentalista asko dabil bazterretan.

Nola zutitu herria belauniko bizi denik aitortzen ez badu?

Denborak urtzen du sufrimendua baina sufrimenduak ere badaki denbora izozten.

Barraskiloaren antzera dabil gaurko gaztea: arrastaka, etxebizitzaren zama bizkarrean.

Zenbat eta platera gehiago hutsik, orduan eta patera gehiago gainezka.

Arrazoa pesimistari dagokio baina zoriontasuna optimistarena da.

Tristeza da politikatik gorrotora jauzi egitea baina askoz ere tristeagoa da alderantzizkoa.

Bin Laden non dagoen? Begiratu al duzue Bushen etxeko sotoan?

Ez dago bakardadea baino lagun leialagorik: sekula ez ditu adarrak jartzen.

Morroiak gehiago estimatzen du bakardadea, nagusiak baino.

Nik ez zaitut zu konbentzituko eta zuk ni ere ez, on egingo digu bion horretaz konbentzitzeak.

Erauntsia jasan ezik, ez dago ortzadarrrik.

Husten zuenean, orduantxe ikusten zuen botila erdi beteta.

Beste taupada bat baino ez nintzen haren bihotzean.